

中國方志叢書·華中地方·第七七五號

據

清·黃文燮等修，徐必藻等纂
清道光三年刻本

影印

江西省

安遠縣志

(三)

成文出版社有限公司印行

中華民國七十八年三月臺一版

安遠縣志

共三冊

發行人：黃

成助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

安遠縣志卷二十四

列女志

節孝貞女

節烈烈女

古今傳列女者始劉中壘范蔚宗後漢書因之采一代女士行尤高秀者著於編不專傳貞節烈行已也然以貞節烈行較之賢德婦女其遭變遇難千辛萬苦百鍊金堅尤在所不可磨沒者蓋聞女子之德曰貞凡不再適與不得已而殉者曰烈元史亦曰節寧都魏氏禧區節與烈與從容就義為三蓋未審矣唐堅貞節婦李及金節婦皆夫死不再適者也貞之名祇以施之未嫁不再字之女故近人文構題無稱貞婦者宋景濂為湯慕

貞韓惟秀周淑黃守貞傳則曰節婦為王妙清王順榮
鄭妙靜傳則曰貞婦二者實皆無以異乃其言又云婦
以節名非常也變而不失其正善之善者也然則
處變而不失其正固女德之所以貞言貞而節在焉故
以崑山張氏女子之節之烈而歸熙甫稱曰貞女也周
忱序李直子事母作貞節堂則貞節二字並稱且云貞
者知正而固守之謂節者事有其制而不過之謂也然
則烈婦烈女烈固同矣貞節二者當亦無不同也易恒
之六五恒其德貞婦人吉從一而終屯之六二女子貞
不字十年乃字節之上六苦節貞詩周南關雎美后妃

有貞靜之德召南野麝美女子以貞潔自守則皆終言之矣然節婦可稱貞婦而女子許嫁笄而字今女子既事親而守貞不字未嫁夫死而守貞不再字則必惟以貞之名施之乃為宜也獨是節烈之行見於女婦者尤難自三代後內教不行雖士大夫家女婦猶難必其躬蹈禮節況於里巷女婦無所取式此而有可得則必其天性有大過人者一時之志堅操定死生不以二其心利害不以易其守倉猝事變而於輕重內外之間寸步弗移分毫不爽雖素明禮義之士亦不能如是之權變通達所以婦而為節孝為節烈女而為貞為烈其行皆

有裨風教在彰善樹聲之列而爲輜軒之所必採彤管之所競揚旌表之所宜及也

聖朝風行四海化及里閭操行潔清

典例予旌固有善無不彰也茲奉

上憲檄修通志飭有司採訪婦女善行登之紀載蓋皆

仰體

國家旌善美意而惟恐一鄉一隅幽光潛德闡揚有所不徧也其所以表貞烈而揚風化者至矣爰達雖僻而兩間正氣所鍾

王朝德化所及冰操柏節固往往出於窮鄉婦女或其人

願以節著與其後裔有無不能指實從而湮沒者亦未
可知今就各志載入節孝祠列在牌位者及凡未入祠
已請

旌併未請者均依次登錄新採訪者徵實續之作列女志

撰

節孝

明

鍾氏歐陽九霄妻幼嫻於禮其父鳴聲福建武平人宦

遊安邑以女妻霄霄年十二入庠十八年十六

霄甫決歲而子鳳翔在孕父欲攜女歸陞鍾氏守大

家矢節教子鳳翔年十七入庠鍾年八十三卒宏治四年旌表入祀節孝祠

杜氏庠生郭一爵妻夫亡守志以禮自衛萬厯二十年旌表建坊在城隍廟後今圯入祀節孝祠

杜氏郭守謚妻年十六歸郭生二子錦鍵夫亡守志教子嚴切俱入庠有司賢之屢旌獎焉入祀節孝祠

賴氏范必雲妻年十八夫亡止一女在抱宗黨諭以他適泣曰舅姑年老非我曷依生養死葬皆竭其力年七十三卒入祀節孝祠

堯氏胡量瑄妻年十六歸事舅姑盡道逾年夫死志節

殊甚有勸其改適者即自縊姑覺急救得不死年七十五以節終入祀節孝祠

郭氏杜喬東妻年十八夫亡止遺一女父母憐其少會勸再醮堅不從命有司嘉其節屢行旌獎年七十餘歿本縣教諭林以詩贊之入祀節孝祠

邱氏杜敏妻年十九夫亡無子又無厚產人有勸之他適者誓死無二攜一女兀坐斗室勤紡績以供饘粥屢經旌獎年八十餘歿君子曰父死國事忠也子登賢書孝也女矢柏舟節也正氣聚於一家古今不可多得入祀節孝祠

郭氏杜宏業妻年二十夫亡無子斷指盟心誓不再嫁
紡績度生年八十餘歿邑人頌之入祀節孝祠

梅氏唐鈇妻年二十二夫亡於陣子濟貞甫一歲父母
勸其改適梅曰吾夫死義吾敢不以節殉誓不易志
教子成名官三省司鐸梅年七十六歿入祀節孝祠
鍾氏謝昊妻二十二歲夫亡堅志守節茹荼飲冰
九十八歿入祀節孝祠

謝氏庠生唐鍾妻年二十七夫亡子在襁褓矢守不二
繼姑溺已子欲奪其志數窘之謝心知姑意曰未亡
人無所愛寧死朽腹不忍以生易心於是盡讓家貲

與姑管止攜一老婢別居其屋澹然明孤日不窺牖
而於姑未少失婦道後姑死費產先為其子湯盡矣
或教謝訟弗聽且誡子曰我存可無慮我死後爾勿
與叔爭論違我言不孝崇禎乙亥歲歿壽九十二宗
黨咸稱其節而註入祀節孝祠

梁

陳氏廖濟萬華妻俱少年夫亡妯娌同守雙節樹風崇禎

間太僕正卿曾臯贈以詩二首有一室兩秉節孤貞
若結隣之句同入祀節孝祠

皇清

吳氏監生黃天祐妻年二十四夫亡無子志勵冰操善

弟孀姑及姑卒殯葬如禮庭無間言年九十餘歿雍

正八年

表建坊在老教場入祀節孝祠

唐氏儒童何洙妻年二十五而寡堅守清節養老撫孤

成名鄉里稱之卒年八十雍正十二年

表建坊在小南門何屋塘面上入祀節孝祠

歐陽氏儒童孫俊妻年二十人亡撫遺孤守貞事翁

姑敬謹人有勸其改適者剪髮自誓持躬以禮足不

踰閭年八十六終乾隆三年

旌表建坊在小南門內大巷口入祀節孝祠

唐氏職員郭從龍妻年二十五而寡撫遺腹子督課成名事七旬翁姑得其歡心年八十歿乾隆三年

旌表建坊在楊家寨入祀節孝祠

葉氏版石堡湘州人儒童謝益泰妻年二十二而寡撫孤守志盡孝養姑教子上延弱冠入庠年八十四歿乾隆四年

旌表建坊在版石堡入祀節孝祠

唐氏廖穆生妻年二十一夫亡撫孤羽豐入庠未幾豐歿媳鍾氏年二十三撫遺腹子士賓既娶又歿孫媳鍾氏年二十五三世同撫幼孤共敦節孝唐年七十

魏媳年七十三歿孫媳年五十四歿乾隆九年

於不建坊在水頭同祀節孝祠

劉氏儒童古大呂妻年二十夫亡哀慟嘔血誓甘同穴
父母宗族徐為解曰上有七旬病姑下有數月孤兒
汝死一家俱亡矣爰對靈封髮堅志苦守年七十一
而終乾隆十一年

旌表建坊在版石堡入祀節孝祠

藍氏貢生唐世龍守陵雲妻年十九夫亡敬事翁姑守
志不二值姑病肢苦極藍為吮其毒血乃愈族稱節
孝歿年六十乾隆十五年

旌表建坊在城內西門入祀節孝祠

郭氏魏其梧妻年二十夫亡無子欲以身殉舅姑泣勸乃止苦守清操歷二十餘載祀叔宏發次子以續夫

堅祀守節以終乾隆十五年

旌表入祀節孝祠

賴氏瀛江坊劉光炳妻年十八夫往郡應試卒於郡城氏撫遺腹子堅守清節歿年七十四乾隆十五年

旌表入祀節孝祠

唐氏瀛江坊人儒童劉光寬妻年十九夫亡撫姪以繼夫祀孝養寡姑後繼嗣早喪復撫幼孫成立一生茹

集兩世存孤學憲李公鍾倚旌以玉潔金堅歿年七

十五乾隆十五年

旌表入祀節孝祠

梅氏儒童魏必宏妻年十九夫亡撫孤守志孝事翁姑
教子成名卒年六十九乾隆十五年

旌表入祀節孝祠

郭氏儒童魏必魁妻年二十二夫亡撫孤守志孝事翁姑
教子成名卒年六十九乾隆十五年

旌表入祀節孝祠

黃氏儒童魏必章妻年二十夫亡撫孤成名卒年六十九

歿年六十九乾隆十五年

旌表入祀節孝祠

唐氏儒童雷育軒妻年二十三夫亡家貧遇蹇撫五月
藐孤惟勤女紅孝養翁姑喪葬成禮守節以終乾隆
十五年

旌表入祀節孝祠

鍾氏庠生唐雲會妻年十八守節為夫立後吮姑股毒
年七十五終乾隆二十三年

旌表建坊在城隍廟前入祀節孝祠

梅氏唐奕炤妻年十九夫亡誓矢柏舟孝事舅姑年六